



**REPUBLIKA E SHQIPËRISË**  
**AUTORITETI I KOMUNIKIMEVE ELEKTRONIKE DHE POSTARE**  
**-Këshilli Drejtues-**

---

**V E N D I M**

**Nr.2620, datë 8.10.2015**

**Per**

**“Përcaktimin e sipërmarrësit Telekom Albania sh.a sipërmarrës me Fuqi të Ndjeshme në Treg për terminimin e thirrjeve në rrjetin publik Telekom Albania drejt numrave gjeografikë fiks<sup>1</sup> dhe vendosjen e masave rregulluese”**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Zj. Anila	Denaj	Anëtar
4. Zj. Ketrin	Topçiu	Anëtar
5. Zj. Klarina	Allushi	Anëtar

dhe sekretare Znj.Marsida Drushku, në mbledhjen e datës \_\_.\_\_.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

*“Vleresimin e pozites dominante te Telekom Albania ne tregun perkates te terminimit të thirrjeve në rrjetin Telekom Albania drejt numrave gjeografikë Fiks të Telekom Albania, mbi bazen e Dokumentit “Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar”, si dhe vendosjen e masave rregulluese”.*

mori ne shqyrtim dokumentacionin e paraqitur nga Grupi i Punes, te perbere nga:

- i. Relacioni shpjegues;
- ii. Dokumenti “Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar”;
- iii. Projektvendimi i KD i formatuar dhe arsyetuar sipas përcaktimeve të parashikuara në nenin 106 e në vijim të ligjit nr. 8485.

---

<sup>1</sup> Sherbimi telefonik GSM Fiks i tregtuar si Telekom Albania Fiks.

## BAZA LIGJORE:

- 1) Shkronja ç) e nenit 8, neni 31 e vijues, pika 1 e nenit 114 dhe pika 1 e nenit 115 te ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë”, i ndryshuar, (*ligji nr. 9918*);
- 2) Ligji nr. 8485, datë 12.05.1999 “Kodi i Procedurave Administrative” (*ligji nr. 8485*), i ndryshuar;
- 3) Ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”;
- 4) “Rregullore per analizen e tregut”, miratuar me vendimin nr. 747, date 17.07.2009, te Keshillit Drejtues te AKEP, ndryshuar me VKD nr.2342, datë 31.07.2013 (Rregullorja)
- 5) Vendim Nr. 2582, datë 22.06.2015, Për “Miratimin për këshillim publik të Dokumentit: Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Këshillim Publik”
- 6) Vendim Nr.2617, datë 8.10.2015, Për “Miratimin e Dokumentit: Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar”

## KESHILLI DREJTUES

Nga shqyrtimi i dokumentacionit të paraqitur si dhe duke iu referuar bazës ligjore të sipërcituar :

## V E R E N:

1. Dokumenti “*Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar*” reflekton punën e Grupit të Punës si dhe komentet dhe vërejtjet e bëra gjatë mbledhjes.
2. Dokumenti “*Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar*”,
  - a. përbën një dokument të rëndësishëm rregullator në bazë së të cilit merren vendimet për FNT në tregjet e analizuar dhe masat rregulluese respektive, të cilat janë shumë të rëndësishme për zhvillimet rregullatore dhe tregun e komunikimeve elektronike në Shqipëri;
  - b. është përgatitur pas kryerjes së këshillimit publik të zhvilluar më 02.08.2012-02.10.2012 dhe përmban komentet e palëve të interesuara dhe qëndrimin e AKEP për komentet në përputhje me nenin 35 të Ligjit 9918;
  - c. nga pikpamja e rregullsisë, është në përputhje me procedurën e përcaktuar në ligjin 9918 dhe Rregulloren për Analizën e tregut;
  - d. nga pikpamja e ligjshmërisë është në konformitet me përcaktimet ligjore të parashikuara per analizen e tregut ne nenin 31 e ne vijim te Kreut VI te Ligjit 9918, dhe Rregullores, përfshirë përkufizimin e detajuar të tregjeve përkates, kriteret e përcaktimit FNT, dhe detyrimet e parashikuara për FNT;
  - e. ka marrë në konsideratë rekomandimet dhe direktivat e Komisionit European dhe praktikrat më të mira rregullatore në vendet e Bashkimit European, parimet e ligjit të konkurrencës dhe kushtet aktuale të tregut Shqiptar të telefonisë fikse;

- f. vendosja, ndryshimi, mbajtja dhe heqja e detyrimeve për FNT është në përputhje, me përcaktimet e nenit 36 e në vijim të Kreut VI të Ligjit 9918, me pikën 5 të nenit 3 të Rregullores dhe me objektivat rregullatore të AKEP, të përcaktuara në nenin 7 të ligjit 9918.

## **A T E H E R E:**

Për sa më sipër, mbi bazën e vlerësimit të pozitës me FNT në tregun përkatës të Telekom Albania, sipas Dokumentit “*Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar*”, në mbështetje të pikës 1 të nenit 114, pikës 1 të nenit 115 të ligjit nr. 9918, si dhe në zbatim të kompetencës ligjore të përcaktuar në shkronjën ç) të nenit 8 të ligjit nr. 9918, Këshilli Drejtues i AKEP,

## **V E N D O S I:**

1. Bazuar në dokumentin “*Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar*”, miratuar me VKD Nr.2617, datë 8.10.2015, të përcaktojë sipërmarrësin Telekom Albania Sh.a., sipërmarrës me FNT në tregun përkatës të mëposhtëm:

1.1 Tregu me shumicë i terminimit të thirrjeve në rrjetin publik telefonik të Telekom Albania sh.a të ofruar nga vendndodhje fikse.

2. Sipërmarrësi Telekom Albania i përcaktuar me FNT, në tregun me shumicë të terminimit të thirrjeve drejt numrave gjeografike të ofruar nga vendndodhje fikse në rrjetin e vet publik telefonik , është i detyruar të zbatojë detyrimet e mëposhtëme sipas Ligjit 9918, dhe përcaktimeve të mëposhtëme:

- Detyrimi i mosdiskriminimit (Neni 39)
- Detyrimi i transparencës (Neni 40)
- Detyrimi për akses dhe interkoneksion dhe përdorimi i përbashkët i faciliteteve të rrjetit (Neni 42)
- Detyrimi për kontroll tarife (neni 45)

2.1 Detyrimi i mosdiskriminimit përfshin ndalimin e aplikimit të tarifave të ndryshme të terminimit të thirrjeve hyrëse kombëtare në rrjetin e sipërmarrësit për operatorë të ndryshëm kombëtar origjinues (fiks apo celular), në kushte dhe rrethana të njëjta.

2.2 Detyrimi i transparencës përfshin publikimin nga sipërmarrësi të tarifës/tarifave të terminimit në rrjetin e tij si dhe te adreses së pikes/pikave së interkoneksionit me këtë rrjet.

2.3 Sipas detyrimit për akses dhe interkoneksion dhe përdorimi i përbashkët i faciliteteve të rrjetit, sipërmarrësi i përcaktuar me FNT për terminimin e thirrjeve në rrjetin e vet, duhet:

- a) t’u ofrojë palëve të treta akses në elemente të veçanta të rrjetit dhe/ose faciliteteve;
- b) të mos anulohet aksesin në facilitetet, kur e ka dhënë atë;
- ç) të negociojë me dëshirën e mirë dhe me mirëbesim me subjektet, që kërkojnë akses;

- d) te ofroje akses te hapur ne nderfaqet teknike, protokollet ose teknologjite e tjera te rendesishme, te domosdoshme per nderveprimin e sherbimeve ose per sherbimet e rrjetit virtual;
- dh) te ofroje bashkevendosje ose forma te tjera te perdorimit te perbashket, perfshire ndertesat, tubacionet kabllore ose shtyllat, kullat;
- e) te krijojë kushtet e nevojshme per te siguruar nderveprimin e sherbimeve pike fundore – pike fundore, duke perfshirë facilitetet per sherbimet e rrjetit inteligjent ;
- ë) te ofroje akses ne sistemet mbeshetese funksionale ose sistemet e ngjashme informatike (softëare), te nevojshme, per te siguruar konkurrence te ndershme ne ofrimin e sherbimeve;
- f) te interkonektoje rrjetet ose facilitetet e rrjetit.

Detyrimet e mësipërme, i referohen vetëm detyrimeve për mundësimin e terminimit të thirrjeve kombëtare në rrjetin publik telefonik të Telekom Albania drejt numrave gjeografike të ofruar nga vendndodhje fikse dhe janë të zbatueshme sipas mundësive/aftësive teknike dhe ekonomike të sipërmarrësit.

#### 2.4 Detyrimi për kontroll të tarifave të terminimit në rrjetin e sipërmarrësit Telekom Albania përfshin:

- i) Tarifat e sherbimeve të terminimit të thirrjeve dhe shërbimeve të interkoneksionit të lidhura me këto sherbime në rrjetin publik telefonik të Telekom Albania, për thirrjet drejt numrave gjeografike të sipërmarrësit Telekom Albania janë objekt kontrolli dhe rregullimi nga AKEP.
- ii) Vlerat maksimale të tarifave të shërbimit me shumicë të terminimit të jenë sipas tabelës së mëposhtëme:

**Tabela 1: Vlerat maksimale te tarifave të terminimit në rrjetin Telekom Albania për thirrjet drejt numrave gjeografikë të Telekom Albania**

	Aktuale- 31.12.2015	Faza I	Faza II	Faza III
		1.01.2016- 31.12.2016	1.01.2017- 31.12.2017	1.01.2018- deri ne nje Vendim tjetër te AKEP
<b>Terminimi lek/minute</b>	1.19	1.48	1.09	0.70
<b>Tarife fikse per thirrje</b>	0.38	0.0	0.0	0.0

*Shenim: Tarifat jane pa TVSH.*

3. Siperarrësi me FNT ka detyrimin që të zbatojë detyrime dhe specifikime të tjera të përcaktuara nga AKEP, sipas nevojave të tregut, për statusin e FNT në tregun përkatës të përcaktuar me status me FNT.
4. Afati i vlefshmërisë së statusit me FNT në tregjet perkatëse për siperarrësin është deri në nxjerrjen e një vendimi tjetër nga AKEP mbi bazën e analizës së tregut të kryer sipas nenit 34 të Ligjit 9918.

5. Dokumenti “*Analizë e tregut telefonisë fikse: tregjet me pakicë dhe tregjet me shumicë të terminimit, tranzitimit dhe origjinimit – Dokumenti Perfundimtar*” i bashkëngjitet këtij vendimi si Aneks 1 dhe është pjesë e tij.
6. Vendimi nr.2339, date 31.07.2013 i Keshillit Drejtues të AKEP shfuqizohet.
7. Kundra këtij vendimi, mund të bëhet ankim në Këshillin Drejtues të AKEP, brenda 30 (tridhjetë) ditëve pas marrjes së njoftimit përkatës.
8. Ky Vendim të publikohet në faqen e internetit të AKEP: [www.akep.al](http://www.akep.al)  
Ky Vendim hyn në fuqi në datën e miratimit të tij.

**K R Y E T A R**

**Piro XHIXHO**

**ANËTARË:**

1. Alban KARAPICI
2. Anila DENAJ
3. Ketrin TOPÇIU
4. Klarina ALLUSHI



**AUTORITETI I KOMUNIKIMEVE ELEKTRONIKE DHE POSTARE**

**ANALIZE**

**E**

**TREGUT**

**TE TELEFONISE FIKSE**

- 1) Tregu me pakice i aksesit/thirrjeve nga rrjete publike telefonike nga vendodhje fikse.
- 2) Tregjet me shumice te terminimit/tranzitimit/origjinimit te thirrjeve ne rrjetet telefonike publike nga vendndodhje fikse.

**Dokumenti Përfunditmtar**

Tetor 2015

(MIRATUAR ME VKD NR.2617, DATE 8.10.2015)

*Publikuar ne faqen e Internetit te AKEP, [www.akep.al](http://www.akep.al), ne seksionin 'Konsultime te Perfunduara'.*